

此段論之極精非有仙風道骨者不能到此

言天地不正之氣猶人稟父母不立之精血如此云云

此命十三先尅父十四後尅母交限斷躔故也

一其命壽夭不同吾觀時有八刻刻內有準卒風暴雨陰晴旺朔是一箇時中有變兩三樣天氣更有日月循行交宮過度明晦不一雖曰共時其刻有不同天時人事相合未免爭差有彷彿者時刻相去不遠出於大不同者初末交界故也

一星對照如金在畢九度行限尾五度其年應尅若奎木安命其年不安如壁水安命生我者吉

一日月食時生子主夭或替天神威怒雷震風烈之時生子大不利到老有非常之禍

一月無身命若起坐孤劫難及雖有生旺扶助亦主夭折

一双劫首尾交界兩岐立命主夭○夜土晝火守命謂五殘星非貧則夭

大梁西方酉

此命如郭汾陽公身居二十四考中書榮壽極矣亦有如此星辰福壽俱全

一命度主或身度主為天元若守照或起得所為文孝科名造化  
一四金泊命金與水守照金助水力乏則不能尅木為財行四本度不利

一諸星背行亦有隱匿而不知顯者如己亥生人四月子時危十二度泊命計羅辰戌截一悉在斗諸曜背西沉之地孛隨月後俱傷於胃木又到大梁行限似不可取此人二十五進士御史三十三副使布政四十三四侍郎尚書蓋身命月為天元與孛在胃正旺之地火金為官魁前後引從此大格也  
氏未死五十七歲

一經云官祿宮主忌見天雄○如戊辰生人正月酉時張七度坐命土守照月傷女土金日在危犯天雄如何酉限官至三品入奎二品六十五陞兵部尚書七十致仕蓋木命不畏土也

因其上計犯  
月故主母子  
伶仃尚妙酉  
官土計有相  
此為身命得  
時日在卯正  
太陽所出之  
門戶又得水  
護陽光豈不  
為貴命者之

八煞疾厄也  
開極兄弟也

一經云四月坐命惟土計可怕有辛卯生人十月十五日戌時  
畢十三度坐命土計月在昴二十六歲中進士四十六二三  
品蓋是水日在卯玄武引駕夜生人用身度昴日為主故也  
然土為入殺遷移退行與月有情母子先零亡被兇人劫去  
後顯然後復姓與母同居

一男女宮見太陰并金水先得女羅計在五宮主執拘性情多  
有尅害如逢木土太陽主先生男如夜值之恐難存養  
一羅近太陽父凶又有壽考者謂首星捧日夜生者言蓋夜日  
無光 羅火故也

一經云八煞宮 極身命所臨皆不取○楊監生甲辰三月  
戌時亢金坐命土資亢火守照為天地人元有學四十四脫  
鬼金死在途無 件無成況金為飛廉劍鋒夜土愈凶○

甲辰生以金  
為劍鋒以土  
為天錐的殺

癸未生辛卯  
是土五六月  
又是月廉

本原者身命  
主也既受虧  
損者何益哉

又甲辰七月巳時亢金坐命土資亢木在角金拱日貧乏人  
身起死敗地行衰限破家行限見敗星或天地耗及對大耗  
皆耗財

一殺官坐命不喜殺星來生主夭○如甲辰生人亢度立命金  
帶劍鋒或飛廉最不宜土來亢上蓋土為雄虎的殺若身吉  
主貴若羅字犯身主賤四五行鬼金殺即死

一命度帶劫刃廉的耗符殺併重及遇生星其勢愈惡行殺限  
夭亡○如癸未丑六月生人女土安命者是也

一四水安命遇金帶長生貴祿守照或生水大吉愈老愈健○  
如癸酉生人金帶鋒廉守照雖生水貴亦夭

一身命二宮會注受斗杓卦氣生旺本吉然本原受虧名利虛  
花百無一成



以日為父以月為母所以凶星惡殺夾之者斷傷父母也

此得五者類象而推所以不受克者主一生平安

日月為父母不可犯四餘惡殺非傷二親則主損月

一水為孤劫計為雄刃夾日主胎中妨父刃雄星與太陰合着度上即妨母

一流年星如井木安命木入亢婁火帶殺入命宜謹身節用

一土躔牛居垣而泄氣木躔斗入廟而退行得失相伴

一如命躔角斗井奎木度甲乙年生人又屬木納音又是木純

作木論春令極重木利乎晝生尤妙餘皆做此推之

一羅計躔日度太陽飛入神殺或在陰宮父主早亡不得善死

若羅計犯月度太陰飛入惡煞或在陽宮母主惡亡羅怕頭

忌帶刃字怕尾忌帶浮沉劫刃的悉怕冲忌掌飛廉計怕怒

忌為刃雄依此做之

一日為父月為母務要光明主父母富貴不宜陽刃天雄地雌之位又不宜羅計悉字掩蝕主父母傷殘况四日度四月度

日月為天之眼目故人以日月為眼目則以壞眼目之論

刃乃傷人之身最宜避之夫善人者惡之兇人者好之以自損且日月居后父母也豈容乃殺相犯乎

亦父母之度也好星主之得父母力惡星躔之主傷父母及眼目之疾金見火則尅妻火見水則尅子

一日躔月度居月位月躔日度居日宮謂之陰錯陽差主傷父

母亦恐妻子難為但凡月勝者尅父日勝者尅母餘做此

一身命躔陰度者主次胎生或小胎之子也又有一家晝用日

躔夜論月躔陽度者一三五七九陰度者二四六八十是也

官身度三主俱躔陽度者主富貴謂之三陽開泰格男要

純陽女要純陰為妙

一刃星不宜輔陰陽主父母癆瘵氣疾身亡也若加命身主躔

日度或月度者必主夭折否則帶疾蠢魯論之如甲生人火

羅晝生逢陽乙生人金星不宜輔陰陽辛羅火壬土計丙戊

丁巳陰陽為刃如為官度身主輔陽自身榮貴父母終是不

辰為河魁戌  
為天星故云  
魁星

日月既以剝  
蝕人命豈無  
休咎

已上皆富貴  
之命者其次  
无可比倫者

順依此論之

一日月犯魁星辰為魁戌為星若日月臨此或合朔之時生者  
的魁父母亦恐壽難長

一日月剝蝕命安四日度或四月度主夭折愚魯不足道者論  
之如再限行四月四日之度決死斷矣

一日月合在田宅或在官祿或對望妻宮或夾官祿或夾田宅  
吉福命斷之若官身度主失次者不美貧人與富人為隣有  
竭美

一日月會貴人之地無凶星破者為上也

一日月來貴乃尊貴斷之

一日月拱斗者為上格人命牽逢之

一日月夾崇勳無破者乃享用之人也

一日月拱夾太歲大吉論之即歲駕宮也

一日月拱夾歲殿亦吉丙寅生人辰上是歲殿也

一二氣者即日月也大小耗宮或耗星上日月拱夾者必貧賤

有始無終之人

一日月拱夾天雄地雌再加惡殺得志似虎添翼章虫出脚若  
守命得用日月拱夾有權柄論之

一日月拱夾亡神劫殺兼命度主弱乃貧賤孤獨宜入空門也

一日月即二曜也不宜拱夾的殺其人一生無後財若風中之

絮水上之萍也

一日月拱夾陽刃宜作武職軍人士庶不祥利於公門刑法之  
中人也女人犯此產中亡矣又在命又喜日月拱夾大權武  
貴驚人之勢要也

天雄天雌居  
符印斗柄  
天經地緯惟  
果老仙机用  
之以定福禍  
凶吉譬于琴  
堂俱不主用  
也

陽刃在天力  
紫暗星專主  
誅謬故以武  
官得之可以  
助權也



一亭在前月在後謂之太乙抱鬼貧賤夭折冬生尤畏  
一太陰在前木在後未上安命謂之桂林一枝格也  
一東井度水火土或水火亭或金木水或土亭羅在上交戰不  
能施為而無禁忌也

金月同在三宮  
己未申三宮  
最貴

一金助月華主聰明有文章然寒月遇金又非榮顯人也  
一落木寒蟾非榮達之士主貧困或孤無當頭主孤  
一夜生人獨火居子為一陽來復女土安命尤奇  
一寒月孤居主母寡逢水亭主母淫自貧賤  
一日為父月為母務要光明或升殿入垣者主父母富貴榮達  
升殿者如日躔星靈房昴四度如月躔張危心畢四度是也  
一日月升殿入垣固為美矣但不宜日月掌刃雄廉殺及孤劫  
等星輔佐者又主父母卑尅謂之暗中加臨故也

一日月掩蝕者主傷殘父母日蝕者父早喪月蝕者母早亡初  
一二日晝生太陽遇羅計必蝕主尅父十五六夜生人太陰  
遇計羅必蝕

一日月掩蝕之時忌坐命日月之度如日蝕怕坐命日度月蝕  
怕坐命月度有此者非貧即夭或主盲聾音啞殘疾之人  
一日月怕臨煞地亦主難為父母如日月居羊刃天雄地雌劍  
鋒飛廉孤寡亡劫等煞地是也日居之晝生父先去月居之  
夜生母先逝

一日月之殿亦父母之度也如四日度為父母月度為母有好  
星在四日四月度者主得父母力有惡星在四日四月度者  
主傷父母也亦忌晝生先尅父夜生先尅母

一日月坐煞宮犯煞字羅計畫火夜土者必主父母早傷或無

刑尅主本身有疾或足目損壞帶破相有之其中又無疾者只主父母隔角情上不順或遠出他鄉三年五載而不見父母亦是也或父母貧寒不得父母之力者亦同此論

一火羅怕頭更帶刃雄廉鋒耗符等煞金命限人愈甚

一水孛怕尾忌帶浮沉亡劫的耗等煞火命限人尤畏

一木炁怕冲畏掌亡劫耗符等煞土命限人尤畏

一土計怕怒忌掌刃雄廉耗等煞水命限人尤凶

一金怕掌刃鋒廉的耗符等煞木命限人尤凶

一太陽掌刃雄廉符耗煞又羅計火孛犯日或晝生限行火度者必凶

一太陰掌刃雄廉符耗煞兼有土計侵犯又行四月之度主凶此二者又主父母 肉難為或妻子刑尅

一木巽於風主倒限計之風搖葉落行限木宮木度者是

一寅刑巳巳刑甲子刑卯卯刑子丑刑未未刑丑丑刑戌戌刑丑辰刑辰午刑午酉刑酉亥刑亥謂自刑其刑冲壓逼專者流年太歲神殺之星故宜斷之

一行運限者切忌元流二冲尤怕流行尅戰爵祿之人要冲祿馬遷官進職事必有動

運限在神殺之宮尅戰之鄉最怕刑冲壓逼

如庚子生人運限到巳太歲在亥謂之冲

運限到卯太歲在子謂之刑

運限到辰太歲在巳謂之壓

運限到巳太歲在辰謂之逼○若見此數再見忌宿定王災危



玄玄妙論

凡水火土木皆能自生自旺惟金得火而後有用無星輔皆主  
不好蓋謂天地肅殺之氣收斂萬物秉權則生意斬然上帝  
好生抑之不令肅殺之氣盛所以廢之時道四星有餘獨金  
無餘以此

凡土陷山崩枯枝敗葉長江浩蕩爛斧綉針燭火大明吉凶救  
解最須詳辯

土星落空謂之土陷山崩必主退敗可畏如有惡星降夾逼迫  
多見氣感噎吃之疾必主倒限如火會謂之填凹補缺金會  
謂之山嘯呈寶又主名利發達

木星落空謂之枯枝敗葉如金會則琢削成材火會則焚折灰  
滅水會則漂槎泛筏不免流蕩

水星落空謂之長江浩蕩退敗無餘如金會則洪水滔天常有  
不測之災

金星落空謂之爛斧綉針則是常用之物又主利名有成  
火星落空謂之爛火大明乃是離中火虛及主發達夜生尤妙  
蓋火遇夜則明故也

星盤問答之  
說此篇至妙  
而至精也

曰命宮為第一財為養命之源故次二分我之財者獨兄弟  
故次三田宅所以安命藏財而居兄弟故次四既有財帛兄  
弟田宅而男女所以承田與財者也故次五奴婢所以輔男  
女故次六妻妾敵體與命宮對衝故次七夫自命宮而至妻  
宮其叙自不亂疾厄人命之所不能無者故次入遷移人之  
所不能免者故次九官祿天之所予係於命而最要故次十  
福德人之所享係於天而難得故次十一相貌所以成身故  
次十二自疾厄而至相貌其叙却乃倒言何也十二宮之中  
命與妻相對相貌福德官祿出天上故列在身前財帛兄弟  
田宅隱地下故叙在身後遷移疾厄妻妾限數最緊皆太陽  
過午而行促有相貌而後見福德有福德而後居官祿有官  
祿而後歷遷移有遷移而後見疾厄自相貌而至於疾厄皆

日月之喜升而惡沉有財帛而後見兄弟有兄弟而後分田  
宅有田宅而後歸男女有男女而後居奴僕自財而至奴僕  
皆日月之右轉而分布人之所以為人不過如此故十二宮  
之名足以盡人之生也男女身命所生遷移父子所專兄弟  
和樂妻孥雍睦人之福德此二者最難財與官祿相連奴婢  
所以服官營財也貌為疾厄所苦田宅所以安身而養疾也  
故皆三合此十二宮流行之叙對代之體錯綜之用有如此  
子始末之思乎

客曰星盤十二宮既開命矣然何以午未屬天子丑屬地寅亥  
屬木卯戌屬火辰酉屬金巳申屬水與五行地支十二之理  
不同又何說與余曰五行以寅卯為木巳午為火申酉為金  
亥子為水辰戌丑未為土乃地支十二維也午與未合居於

此乃顛倒五  
星之論



此篇神妙之  
論凡人之所  
不知者也

上而屬乾故以為天子與丑合居於下而屬坤故以為地上  
天下地一定之躰也亥與寅合屬春故以為木卯與戌合屬  
夏故以為火辰與酉合屬秋故以為金巳與申合屬冬故以  
為水春夏秋冬四時之序也日月麗天水金輔之故喜金水  
土石麗地木火生之故喜木火此雖與地支十二維分布不  
同而其道理則相貫也

客又曰人一日之生不啻億萬何以從太陽為命太陰為身遂  
擬此斷吉凶禍福僕未深信敢問其故何也余曰善哉問我  
明告子天形如卵而左旋日月代明右轉天體日週東方當  
抽惟其東抽是以西沉一沉一抽無停留也太陽之升出在  
東方太陰之沒入在西鄉一升一沒無差忒也人之出乎胎  
中即天轉乎地上若是知時而生天日俱出東顧惟知時以

後天體無形以日為準故因日而數至卯即卯地而出蒼空  
太陰日之配身之所自出也故以太陽立命太陰安身身命  
人之所最重故先求此二宮天躰度數各有對度是以日月  
同其好惡身命同其禍福東出父命西沒孀身東出太陽酉  
沒太陰東出亢金西沒姦金故云身命一般之說蓋為此也  
客又曰星家源流其理既同然何以有準於古而差於今驗於  
今而謬於古其故又何僕也或敢問余曰此天道自然之運  
也天之運也積氣日月五星積氣之光曜者也其循行次舍  
七十年而差一度天道且然而況於人乎世有升降國有隆  
污皆囿於天道自然之運人乃積氣中之動物身之用舍道  
之行藏人囿於國家一時之運此古今人命之所以不同而  
星家準與不準之辯咸在此矣客恍然而悟醒

分野列宿

|                   |                   |    |                  |                  |    |
|-------------------|-------------------|----|------------------|------------------|----|
| 斗宿分野              | 南直隸               | 應天 | 鳳陽               | 太平               | 安慶 |
| 蘇州                | 松江                | 常州 | 鎮江               | 徽州               | 寧國 |
| 池州 <sup>十二府</sup> | 廣德州               | 和州 | 浙江杭州             | 嘉興               | 處州 |
| 撫州                | 建昌                | 臨江 | 瑞州               | 袁州               | 吉安 |
| 贛州                | 南安 <sup>十三府</sup> |    |                  |                  |    |
| 斗牛分野              | 南直                | 淮安 | 揚州 <sup>二府</sup> | 浙江               | 湖州 |
| 溫州 <sup>二府</sup>  | 江西                | 九江 |                  |                  |    |
| 牛女分野              | 浙江                | 寧波 | 紹興               | 台州               | 金華 |
| 衢州                | 嚴州 <sup>六府</sup>  | 福建 | 福州               | 興化               | 漳州 |
| 泉州                | 延平                | 邵武 | 汀州               | 建寧 <sup>八府</sup> |    |

|                  |     |     |                  |                  |    |
|------------------|-----|-----|------------------|------------------|----|
| 廣東               | 廣州  | 惠州  | 潮州               | 南雄               | 韶州 |
| 肇慶               | 高州  | 雷州  | 瓊州 <sup>九府</sup> |                  |    |
| 虛危分野             | 山東  | 青州府 |                  |                  |    |
| 危宿分野             | 山東  | 濟南  | 登州               | 萊府 <sup>三府</sup> |    |
| 室壁分野             | 北直隸 | 大名府 | 河南               | 衛輝               | 懷慶 |
| 彰德 <sup>三府</sup> |     |     |                  |                  |    |

|          |    |     |       |        |  |
|----------|----|-----|-------|--------|--|
| 奎婁分野     | 山東 | 兗州府 |       |        |  |
| 胃宿分野     | 山東 | 東昌府 |       |        |  |
| 昂宿分野     | 北直 | 真定府 | 山西大同府 | 定州     |  |
| 畢宿分野     |    |     |       |        |  |
| 觜參分野     | 山西 | 平陽府 | 澤州    | 四川松潘等處 |  |
| 軍民使司疊千戶所 |    |     |       |        |  |